

UGOVOR

o nabavci avio karata za potrebe Ustavnog suda Bosne i Hercegovine

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, Reisa Džemaludina Čauševića 6/III, kojeg zastupa generalni sekretar Ustavnog suda, Zdravko Đuričić (u daljem tekstu: **Naručilac usluga**),

i

„HOLLYWOOD TRAVEL“ Sarajevo, ul. Dr. Mustafe Pintola br. 23, Ilidža, ID broj 4200673570007 koga zastupa izvršni direktor, Senad Halilović (u daljem tekstu: **Davalac usluga**).

Član 1.

Predmet ovog ugovora je nabavka avio karata za potrebe Naručioca usluga, sa sjedištem u ulici Reisa Dž. Čauševića 6/III u Sarajevu.

Član 2.

Davalac usluga se obavezuje da će usluge izdavanja avio karata pružati u skladu sa Ponudom broj 41/2015 od 14. aprila 2015. godine koja je sastavni dio ovog ugovora, a po narudžbi Naručioca usluga.

Davalac usluga se obavezuje da će izdavati refundabilne karte i da će u slučaju pravovremenog otkazivanja putovanja (48 sati prije vremena ugovorenog leta) fakturisati samo penale u skladu sa tarifama odabrane avio kompanije, te da će te tarife jasno naznačiti prilikom izdavanja karte.

Davalac usluga će omogućiti kontakt 24 sata na dan, i u dane kada se ne radi, kao i osigurati prioritet prilikom pružanja usluga, te besplatno dostaviti avio kartu elektronskom poštom ili adresu naručioca usluga, odnosno na drugu udaljenu lokaciju u svijetu u skladu sa zahtjevom naručioca usluga bez zaračunavanja dodatnih troškova.

Naručilac usluga se obavezuje da će rezervaciju karata vršiti u skladu sa zahtjevom za dostavu ponuda broj P3-88/15 od 3. aprila 2015. godine. Najava i otkaz rezervacije vrše se pismenim putem (faksom ili e-mailom).

Član 3.

Jedinična cijena usluge izdavanja avio karata iz člana 1. ovog ugovora sadržana je u Ponudi iz člana 2. stav 1. ovog ugovora. U cijene nije uračunat PDV.

Naručilac usluga zadržava pravo kontrole izdatih karata i provjere cijena za izdate karte kod avio kompanije kod koje je karta izdata. U slučaju da se cijena provjerene karte ne slaže sa cijenom izdate karte koja je fakturisana, naručilac usluga će tražiti izmjenu fakture u skladu sa cijenom dobijenom od avio kompanije uvećanu za ugovoreni TSC.

Procijenjena vrijednost ugovora za godinu dana iznosi 30.000,00 KM bez PDV-a.

Član 4.

Naručilac usluga se obavezuje da će, s obzirom na sistem trezorskog poslovanja institucija BiH, fakturu za navedene usluge proslijediti na plaćanje Ministarstvu finansija i trezora BiH nakon korištenja usluge, odnosno minimalno 7 dana nakon realizacije leta.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

Član 5.

Ovaj ugovor se zaključuje na period od godinu dana, odnosno do raspisivanja novog postupka i izbora novog najpovoljnijeg ponuđača, uz mogućnost jednostranog raskida ugovora uz otkazni rok od 15 (petnaest) dana.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima Bosne i Hercegovine.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine.

Član 8.

Ugovorne strane su saglasne da će se eventualne izmjene i dopune ovog ugovora regulisati aneksima ugovora.

Član 9.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 10.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOKA USLUGA
Izvršni direktor
Senad Halilović




Broj: 11/15/A

Sarajevo, 22.05.2015.



ZA NARUČIOCA USLUGA
Generalni sekretar
Zdravko Đuričić



Broj: P3-88/15

Sarajevo, 12.05.2016.